

Силаи раҳм нима?



11:37 / 16.01.2022 4926

Опа-синглингизни узатганмисиз?

Бошқа хонадоннинг эшигини очиб ўтирибдими?

Вақт топиб, тез-тез йўқлаб туринг. Нимадир олиб бориш эмас, асосийси, эътибор. Барибир, қуруқ қўл билан бормайсиз, шундай эмасми?

Агар жиянларингиз бўлса, уларнинг қанчалик қувонишларини кўз олдингизга келтиринг. Сиздек тоғаси келганидан шод бўлишади.

Ишонинг, уларнинг ўша дақиқаларда қанчалик кўнгиллари кўтарилиб, хурсанд бўлишларини тасаввур қилолмайсиз.

Ёки ака-укангиз, тоға, хола, амаки, амма ва уларнинг фарзандлари ҳолидан хабар олиб турасизми? Агар мазкур қариндошлар билан бордикелдини йўлга қўйган бўлсангиз ва бу ишни Аллоҳнинг розилигини кўзлаб қилсангиз, бу буюк ибодат бўлади, бунинг номини силаи раҳм дейилади.

Аллоҳ таоло Қуръони Каримда шундай деб марҳамат қилган:

رَكَعًا أَوْ أَشْخَفًا لِنَعْلَمَ نِيَّتَهُ وَيَوْمَ يَرْقُوعًا يُدْعَىٰ وَنَسْجًا أَوْ لَدْعًا لِابْتِغَاءِ مَوْلَا أَوْ لِيَعْلَمَ نِيَّتَهُ لِيَعْلَمَ نِيَّتَهُ وَيَوْمَ يَرْقُوعًا يُدْعَىٰ وَنَسْجًا أَوْ لَدْعًا لِابْتِغَاءِ مَوْلَا أَوْ لِيَعْلَمَ نِيَّتَهُ

“Албатта, Аллоҳ адолатга, яхшилик қилишга, қариндошга (ҳақини) беришга амр этур ва фаҳшдан, мункардан ҳамда тажовузкорликдан қайтарур. У сизларга ваъз қилур. Шоядки, эслатма олсангиз” (Наҳл сураси, 90-оят)

Пайғамбаримиз соллаллоҳу алайҳи ва саллам башорат бериб, бундай деганлар: “Кимни ризқу рўзи кенг бўлиши ва умри узоқ бўлиши хурсанд этса, бас у силаи раҳм қилсин, яъни қариндошлик ришталарини мустаҳкамласин” (Имом Бухорий ва Муслим ривоятлари).

Агар опа-сингилларимиздан, умуман, қариндошларимиздан хабар олмасак, борди-келди қилмасак, бу фазилатни унутиб юборсак, унда нима бўлади?

Имом Бухорий ва Имом Муслим ривоят қилган ҳадисда Расулуллоҳ соллаллоҳу алайҳи ва саллам марҳамат қиладилар: “Силаи раҳм қилмаган, яъни қариндошларидан алоқани узган одам жаннатга кирмайди. Силаи раҳм доимий борди-келди эмас, балки узоқлашиб кетган қариндош ҳолидан хабар олишдир”.

Демак, борди-келди қилмай қўйиш кишининг жаннатдан маҳрум бўлишига сабаб бўлар экан. Ҳадисга мувофиқ борди-келди йўлга қўйилмай узоқлашиб кетилган қариндошимизникига боришимиз, борди-келдини йўлга қўйишимиз лозим экан. Чинакам силаи раҳм мана шу экан. Акс ҳолда алоқани узган одам жаннатга кирмас экан. Шунинг учун силаи раҳмга эътиборли бўлишимиз, қариндошлар билан мунтазам алоқани йўлга қўйишимиз лозим бўлади. Тез-тез кўришиб турилган қариндошчиликни ҳам, узоқлашиб кетилаётган қариндошчиликни ҳам сақлаб, ўзаро муносабатларни давом эттиришимиз лозим.

Аллоҳ таоло барчамизни силаи раҳми узмай, уни тутиб турувчи бандаларидан қилсин! У Зот барчамизни Ўзининг ҳидоятидан айирмасин ва хотимамизни чиройли қилсин!

Islom.uz, Muslim.uz ва бошқа интернет

маълумотлари асосида

Нозимжон Ҳошимжон тайёрлади